

Celta

Entrenatzailea: Miguel Anjel Lotina

Etorritakoak: Jose Ignacio (Zaragoza) eta Jandro (Valentzia).

Joandakoak: Boban, Karpin (Reala), Maurice, Almunia (Recreativo), Contreras (Sporting Lisboa), Manolo eta Sergio Cruz (Numancia).

Izarra:
Alexandre
Mostovoi.**Betis**

Entrenatzailea: Victor Fernandez

Etorritakoak: Marcos Assuncao (Roma), Alfonso (Olimpic Marsella), Arzu (Cordoba), Javi eta Doblaz (Real Betis B).

Joandakoak: Ikpeba (Borussia D.), Juan Jesus (Almeria), Crosa (Boca Juniors), Castaño, Valerio (Tenerife), Merino (Recreativo), Romero (Racing Avellaneda), Amato (Levante), Galvez eta Fabao.

Izarra:
Joaquín
Sánchez.**Sevilla**

Entrenatzailea: Joaquín Caparros

Etorritakoak: Samways (Las Pamas), Zoran Njegus (Atletico Madril), Arteaga (Sevilla B), Marcos Vales (Zaragoza), Antonio (Recreativo Huelva), eta Jaime (Conquense).

Joandakoak: Frode Olsen (Viking), Nicolás Olivera, Jose Américo Taira, Tabare Silva (Elche), eta Alvaro (Getafe).

Izarra:
José Antonio
Reyes.**Malaga**

Entrenatzailea: Joaquín Peiro

Etorritakoak: Iznata (Numancia), Juanito (Malaga B) eta Koke (Malaga B).

Joandakoak: Larraínzar (Levante), Zarate (Xerez), Calandria (Leganes), Dorado (Livingston), Pato (Kordoba) eta Genilson.

Izarra:
Dario Silva**Mallorca**

Entrenatzailea: Gregorio Manzano

Etorritakoak: Poli (Extremadura), Lussenhoff (Tenerife), Buades (Mallorca B), Cortes (Extremadura), H. Lozano (Valladolid), Merino (Mallorca B), R. Martín (Motril), Josemi eta Tuni (Mallorca B).

Joandakoak: Engonga, Quinteros, Siviero (Albacete), Roa, Losada (Oviedo) eta Paunovic (Tenerife).

Izarra:
Ariel Ibagaza.**Atletico Madril**

Entrenatzailea: Luis Aragones

Etorritakoak: J. Moreno, Jose Mari, Coloccini, Albertini, Sergi, Emerson, Luis Garcia (Barcelona) eta Esteban (Oviedo).

Joandakoak: Lawall, Roberto, Luque, T. Jimenez, Paunovic, Pindado, Cubillo, Munteanu, D. Alonso, Lardin, Hernandez, Jesus, Colsa, Amaya eta S. Sanchez.

Izarra:
Fernando
Torres.**Recreativo Huelva**

Entrenatzailea: Lucas Alcaraz

Etorritakoak: Almunia, Sergio, Riaño, Merino (Betis), D. Camacho, Jose Mari, Oscar Arpon, Cubillo, Viqueira Gallego, Kaiku, Kike Romero, Moreno, Mario Bermejo eta Xisco.


Joandakoak: Bornes, Mariano, Ignacio, Dorado, Oscar, Soriano, Gallego eta Epitie, Antoñito, Bautista eta David.

Izarra:
Ignacio
Benítez.**Racing**

Entrenatzailea: Manuel Preciado

Etorritakoak: Benayoun (Macabi Haifa), Bakhar (Hapoel Tel Aviv), Pablo Casar (Racing B), Matabuena (Racing B) y Nacho (Racing B).

Joandakoak: Javier Mazzoni eta Cesar Fernandez (Athletic).

Izarra:
Rodolfo
Bodipo.**Oraindik akats asko daudela dio Javier Aguirre Osasunako entrenatzaileak**

Asier Legarda-ereño | IRUÑEA

Denboraldi-aurrean ez du emaitza onik lortu Osasunak. Bederatzi partidetan hiru garaipen besterik ez dituzte lortu gorritxoek, eta horietatik bi maila eskasagoko taldeen aurka, gainera. Halere, azken adiskidantza-koan Atletico Madrili 2-3 irabazteak baikortasuna ekarri du Iruñera. Javier Aguirrek, dena den, ez du gehiegizko konfiantzarik nahi Liga hasierari begira, eta «oraindik zuzendu beharreko gauza asko» dela gogoratu zuen atzo. Gainera, «zenbait jokalarik orain arte erakutsi baino maila hobe eman beharra dutela» adierazi zuen Aguirrek. Hori bai, inoren izenik ez zuen aipatu gorritxoaren entrenatzaile mexikarrak.

Bere esanetan «orain hilabete baino hobeto dago taldea, baina gauzak hobetzen joan behar da denboraldian zehar ere». Igan-de honetako lehen jardunaldiaren ostean hamabost eguneko etenaldia egotea ere onuragarritzat jo zuen Aguirrek, lana egiten segitzeko astia izango baitute era honetan.

EDUARDO ITURRALDE GONZALEZ LEHEN MAILA ETA NAZIOARTEKO EPAILEA

«Zorroztasun gehiago eskatu digute; hiru penalti badaude, hiru erakutsi behar dira»

Jon Ordoñez | DONOSTIA

Eduardo Iturralde Gonzalez epailearentzako 2002-2003 denboraldia hasi da. Herenegun Valentzia eta Deportivo-ren arteko Espainiako Superkopako partida zuzendu zuen. Zortzigarren denboraldiz ariko da Lehen Mailan.

■ **Sanchez Arminio Epaileen Batzorde Teknikoko presidenteak denboraldi hau aurrekoa bezain zaila izango dela esan du.**

Bai, bai. Sanchez Arminio zakur zaharra da eta ondo daki. Munduko Kopan Espainiaren gertatu zena eta gero pixka bat zailagoa izango da.

■ **Eta zer aldatu da ba?**

Aldatu, ezer ere ez. Baina Munduko Kopan hedabideen aldetik zer gertatu zen ikusi zenuen. Izugarritzko iskanbila izan zen, eta horregatik izango da zailagoa.

■ **Munduko Kopan falta egin dizutenarena egitea txartel horia zen. Aldatu al da hori orain Ligan?**

Ez, lehen ere bazegoen, baina zorroztasun gehiago eskatu digute. Faltaren itxura egitearena eta area barruan heldu edo bultzatzearena zigortzean zorroztasun gehiago eduki behar dugu. Penaltia bada, penalti. Orain dela zazpi urte atzetik sarrera bat egitea beste gauza batzuk baino gehiago zigortzen zen, eta orain ez dira ikusten. Hiru penalti badaude hiru penalti erakutsi.

■ **Jokalariekin, beraz, gogorra izan behar da.**

Gogorra, ez dakit. Manolo Diaz Vega gure zuzendari teknikoak zorroztasuna dio.

■ **Zortzigarren denboraldia duzu Lehen Mailan. Presio gehiago al dago orain?**

Ez. Presioa lehenengo urtean nabaritzen duzu, ez baitakizu nola moldatuko zaren. Zazpi urteren ostean partida bat zuzentzea ezberdina da. Jendeak ezagutzen zaitu, eta nerezako orain errazagoa da.

■ **Hedabideak gehiago sartzen al dira orain epailearen lanarekin?**

Bai, baina zirkua horrela dago eginda, eta badakigu: hedabide batzuk Real Madrilekoak dira, beste batzuk Bartzelonakoak, eta azkenean bakar batek irabazi dezake. Baina garrantzitsuen ez da hori, norbera gustora egotea baizik.

■ **Eta zu gustora zaude?**

Bai. Gainera hiru urte darrazaguz Rafa Guerrero marrazainak eta biok elkarrekin lan egiten, eta beste marrazainarekin bi urte. Bat eginda gaude, familia bat bezala, eta hori oso ona da.

■ **Munduko Kopan egin zen kritiketako bat epaileak eta marrazainak euren artean ez ezagutzea izan zen. Garrantzitsua al da hori?**

Niretzat bai. Pasa den denboraldian etxetik kanpo 90 egun egon nintzen, eta horrek azken finean elkarbizitza suposatzen du, ez bakarrik zelaian: hotelak, bidaiak... Lankideekin gustora ez bazaude naberitu egiten da zelaian.

■ **Sanchez Arminiok dio epaileak ez duela ez zale-**



XOUSA SIMAL

rik, ez soziorik eta ez babestuko duen hiririk. Hain bakarrik al zaudete?

Bai, baina lehenengo denboralditik aurrera dena ikusi eta guzti artifiziala dela konturatzen zara. Istiluak artifizialak dira, egunkariak eta sarrerak saltzeko besterik ez. Futbolearen onena jokariak dira.

■ **Baina herenegun Valentzian istiluak egon ziren, aurreko denboraldiaren amaieran bezala.**

Nere ustez biolentzia ez dago futbolearen. Denboraldi honetan ez dakit zer gertatuko den, baina aurrekoa nola amaitu zen ikusita eta hau nola hasi den ikusita arriskutsua da. Errespetua behar da, hau joko bat besterik ez baita.